

Prilog 1

SMART BALKANS: Civilno društvo za povezan Zapadni Balkan

Smjernice za aplikante na grant Lokalne inicijative

Referenca poziva: SB BiH LI 01/22
Rok za podnošenje prijave 15.02.2023 do 23:59 h

Pozadina

Albanija, Bosna i Hercegovina, Crna Gora, Kosovo, Sjeverna Makedonija i Srbija kao države korisnice projekta SMART Balkan formiraju geografsku regiju u kojoj su one politički, društveno, kulturno i historijski povezane.

Osnaživanje kapaciteta organizacija civilnog društva (OCD) u regiji, kroz poboljšanu saradnju između civilnog društva i vlasti te kroz izgradnju regionalnog partnerstva na svim nivoima da bi se povećao uticaj građana u procesu donošenja odluka, doprinijet će potrebnijim promjenama za kreiranje inkluzivnih zajednica na Zapadnom Balkanu a što će u konačnici promovirati održivi razvoj njihovih društava¹. Učešće civilnog društva u procesu razvoja politika je jedan od najvažnijih sastojaka euroatlanskih integracija regije i imajući u vidu da EU integracije nisu samo individualni cilj svake države korisnice, nego cijele regije, ovaj projekat teži ka olakšavanju saradnje i umrežavanju na putu ka ostvarivanju pomenutog cilja. Za ovu potrebu, SMART Balkan je kreirao regionalnu shemu granta, kroz kreiranje regionalnih mreža ali će se i partnerstva naglašavati gdje je god to moguće.

Ciljevi

Opšti cilj projekta SMART Balkan je da doprinese jačanju participativnih demokratija i evroatlanskih integracija na Zapadnom Balkanu kroz osnaživanje organizacija civilnog društva i mreža organizacija civilnog društva (OCD) za snažniju i aktivniju ulogu u stvaranju mirnih i inkluzivnih društava za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji.

Specifični ciljevi projekta SMART Balkan su:

- Snažnije, održivije i dinamičnije OCD u regionu Zapadnog Balkana

¹ U skladu sa implementacijom 16. cilja održivog razvoja: Promovisanje miroljubivih i inkluzivnijih društava za održivi razvoj, osiguranje prisupa pravdi za sve i izgradnja učinkovitih i odgovornih institucija na svim nivoima.

- Povećana efikasnost uticaja građana i građanki na promjene kroz OCD koje promovišu sigurnost, stabilnost i upravljanje
- Povećana svijest javnosti o važnosti aktivnog učešća civilnog društva u značajnim razvojnim inicijativama u državi

Oblasti djelovanja

Grantovi za Lokalne inicijative su mehanizam za finansiranje lokalnih projekata vezanih za sigurnost i stabilnost i upravljanje. Projekti finansirani u okviru sheme za grantove Lokalnih inicijativa trebaju biti bazirani na relevantnim strategijama i/ili politikama, doprinoseći njihovim ciljevima.

Dok će vrstu aktivnosti za podršku gore navedenim prioritetnim oblastima predložiti aplikant, sljedeća lista navodi neke od prijedloga oblasti djelovanja koje mogu biti obuhvaćene projektima:

Sigurnost i stabilnost:

- Borba protiv radikalizacije i borba protiv terorizma
- Dezinformacije kao sigurnosne prijetnje
- Prevencija pranja novca
- Uticaj klimatskih promjena na sigurnost i stabilnost
- Energetska sigurnost
- Spremnost na vanredne situacije
- Interkulturalni dijalog
- Socijalna kohezija, pomirenje i mir
- Ljudska prava
- Sigurnost ljudi (fizička zaštita integriteta osoba)
- Rodna ravnopravnost
- *Cyber* sigurnost
- Nadgledanje sigurnosnih institucija/ praćenje implementacije politika sigurnosti i stabilnosti ili lokalnih akcionih planova

Upravljanje

- Promocija digitalne pismenosti na lokalnom nivou
- Borba protiv lažnih vijesti
- Sloboda izražavanja i okupljanja
- Učešće civilnog društva u procesima donošenja odluka
- Euroatlantske integracije
- Digitalizacija u lokalnoj upravi
- Reforme javne uprave – zagovaranje, monitoring i poboljšanje
- Borba protiv siive ekonomije
- Borba protiv korupcije, posebno u lokalnom javnom sektoru
- Veća transparentnost vlasti i/ili javnog sektora

Vremenski okvir za projektnu implementaciju

Trajanje podržanih inicijativa će biti od **6 do 12 mjeseci**.

Finansijski okvir

U okviru ovog poziva, SMART Balkan će podržati najmanje deset projekata u Bosni i Hercegovini sa dodijeljenim iznosom granta od 16 260,00 NOK do 81 430,00 NOK (okvirno 1 533,00 – 7 669,00 EUR) po projektu.

Finansijsko učešće aplikanta nije obavezno, ali je dozvoljeno.

Prilikom kreiranja budžeta, svi iznosi moraju biti prikazani u EUR i NOK valutama (Prilog 3 – Budžet). Obrazac budžeta sadržava formulu za konverziju iz EUR u NOK valutu, ali u slučaju da se dodaju redovi za nove budžetske linije, molimo kopirajte i zalijepite formulu koja množi kolonu 'Ukupno (EUR)' sa 10.2, da bi se izračunao ispravan iznos budžeta u NOK valuti u koloni 'Ukupno (NOK)'. (1 EUR = 10.2 NOK)

Prihvatljivi i neprihvatljivi troškovi

Prihvatljivi troškovi za finansiranje su:

- Općenito prihvatljivi troškovi koji su u skladu sa principima dobrog finansijskog upravljanja (principi ekonomičnosti, efikasnosti i efektivnosti)
- Razumni i prihvatljivi prema odobrenom budžetu
- Direktno povezani sa projektnim aktivnostima
- Predstavljani i podržani validnom dokumentacijom koja jasno pokazuje prirodu troškova
- Nastali tokom projekta, od datuma početka do datuma kraja navedenim u ugovoru

Neprihvatljivi troškovi su:

- Dugovi i troškovi servisiranja duga
- Troškovi nejasne namjene ("rezerva")
- Kupovina zemljišta, zgrada ili vozila
- Troškovi profitabilnih aktivnosti
- Aktivnosti već finansirane kroz druge grantove
- Troškovi nastali prije potpisivanja ugovora ili nakon završetka projekta
- Krediti trećim stranama
- Bilo koji drugi neprihvatljivi trošak definisan u ugovoru o dodjeli granta

Prihvatljive aktivnosti

Ovo je lista nekih od vrsta aktivnosti koje su prihvatljive za ovu vrstu projekata (moguće su i druge vrste aktivnosti, po prijedlogu aplikanta):

- Zagoravačke kampanje manjeg obima koje uključuju promotivne i materijale podizanja svijesti (npr. *policy brief*, istraživanje, video, događaj, performans, medijski proizvodi, angažovanje infuensera/ica, isključujući printani promotivni materijal)
- Radne grupe za uspostavu mehanizama i/ili razvoj lokalnih akcionih planova, lokalnih i/ili kantonalnih strategija, procedura i slično u kojima su angažovani eksperti/ce

Prihvatljivost aplikacija

**Aplikanti moraju biti registrovani² na Grants Management Platformi–
<https://gmp.smartbalkansproject.org/>**

Da bi bio prihvatljiv za grant, aplikant mora:

- Biti pravno lice i
- Biti neprofitna organizacija i
- Biti organizacija civilnog društva³, koja radi na jednoj ili više tematskih područja relevantnih ovom Pozivu za podnošenje prijave, isključujući političke, *faith-based* organizacije i religijske organizacije kao i lokalne branše međunarodnih organizacija i
- Biti osnovan u BiH
- Biti direktno odgovoran za pripremu i upravljanje projektom, da nije posrednik.

Pravna lica i pojedinci koji se nalaze na Konsolidovanom spisku osoba, grupa i subjekata EU koji podliježu finansijskim sankcijama EU (www.sanctionmaps.eu), Ureda za kontrolu strane imovine ("OFAC") <https://sanctionssearch.ofac.treas.gov/>, Ministarstva finansija SAD-a i na Spisku sankcija Ujedinjenog Kraljevstva <https://docs.fcdo.gov.uk/docs/UK-Sanctions-List.html> **nisu kvalifikovani** da se prijave na ovaj poziv.

PROCES PRIJAVE

Broj aplikacija i grantova po aplikantima

Aplikant **ne može** podnijeti više od **jedne** aplikacije u okviru ovog Poziva za podnošenje prijave

²Proces registracije nije automatski i može trajati nekoliko dana. Preporučeno je da se započne sa registracijom minimalno 10 dana prije roka.

³ Organizacije civilnog društva, asocijacije i fondacije registrovane u Bosni i Hercegovini u skladu sa sljedećim zakonima:

- a) Zakon o udruženjima i fondacijama BiH
- b) Zakon o udruženjima i fondacijama FBiH
- c) Zakon o udruženjima i fondacijama RS
- d) Zakon o mladima

LISTA TRAŽENIH DOKUMENATA ZA APLIKACIJU

- Obrazac prijave (Prilog 2)
- Budžet (Prilog 3)

PODNOŠENJE PRIJAVE

Prijave se podnose online putem Grants Management Platforme (GMP) <https://gmp.smartbalkansproject.org> najkasnije do 15.02.2023. do 23:59.

Napomena: Aplikanti trebaju biti registrovani na Grants Management Platformi **prije** dostavljanja dokumenata aplikacije.

Pitanja vezana za ovaj poziv mogu biti poslana na e-mail (grants1@smartbalkansproject.org) prije roka navedenog u vremenskom okviru.

Online info sesija je planirana za 18.01.2023. u 13:00. Link za prijavu na info sesiju:

<https://forms.office.com/e/d8TYiWgFdZ>

Odgovori na sva pitanja će biti objavljeni na GMP, ne kasnije od 10 dana prije roka za dostavljanje projektnih prijedloga.

VREMENSKI OKVIR JAVNOG POZIVA

Kalendar poziva za dostavljanje prijava	Rok
Objavljen poziv za dostavljanje prijava za grant Lokalne inicijative	30.12.2022.
Info sesija	18.01.2023.
Pitanja vezana za Poziv za dostavljanje prijava	25.01.2023.
Odgovori na pitanja vezana za Poziv za dostavljanje prijava objavljeni na GMP	03.02.2023.
Dostavljanje aplikacije	15.02.2023.
Objavljivanje rezultata odabira*	05.04. 2023.
Potpisivanje ugovora o dodjeli granta*	20.04. 2023.

*Okvirni plan

KRITERIJI ZA EVALUACIJU

Kao dio administrativne evaluacije, CPCD zadržava pravo da verifikuje informacije i dokumente dostavljene od strane aplikanta, sa autoriziranim institucijama ili državnim institucijama.

Prijave će biti evaluirane bazirano na relevantnosti, dizajnu projekta, kapacitetu i budžetu.

Aplikacija može dobiti maksimalan zbir od 80 poena koristeći kriterije navedene u evaluacijskoj tabeli ispod.

Tabela evaluacije je podijeljen u naslove i podnaslove. Svaki podnaslov će dobiti ocjenu od 1 do 5 i to: 1 = vrlo loše; 2 = loše; 3 = dovoljno; 4 = dobro; 5 = vrlo dobro.

KRITERIJ	UKUPNI ZBIR	
1. Tehnički i administrativni kapacitet	zbir	15
1.1 Aplikant ima relevantno iskustvo u implementaciji projekata	5	
1.2 Ključno osoblje ima neophodne kompetencije i iskustvo	5	
1.3 Aplikant je transparentan u svom radu	5	
2. Relevantnost projekta	zbir	20
2.1 Koliko je relevantan prijedlog ciljevima i prioritetima poziva za prijave? Koliko je prijedlog relevantan specifičnim temama/sektorima/područjima ili bilo kojem drugom specifičnom zahtjevu i smjernici navedenim u smjernicama za aplikante? Da li su očekivani rezultati projekta u skladu sa očekivanim rezultatima definiranim u smjernicama za aplikante?	5	
2.2 Koliko je relevantan prijedlog posebnim potrebama i ograničenjima ciljnog područja i/ili relevantnih sektora? Da li postoje aspekti dodatne vrijednosti i sinergija sa ostalim relevantnim inicijativama i koji su naponi da se izbjegne dupliciranje? Da li je prijedlog baziran na relevantnim nacionalnim, entitetskim ili kantonalnim strateškim dokumentima?	5	
2.3 Da li su finalni korisnici i ciljne grupe izabrani strateški i jasno definisani? Da li su njihove potrebe (kao nosioci prava i/ili nosioci dužnosti) i ograničenja jasno definisana i da li ih prijedlog adresira na odgovarajući način?	5	

KRITERIJ	UKUPNI ZBIR	
2.4 Da li prijedlog sadržava posebne elemente dodatne vrijednosti (npr. inovacija, najbolje prakse, konstruktivno partnerstvo sa vlastima ili drugim relevantnim tijelima; promocija rodne ravnopravnosti i jednakih prilika, potrebe marginalizirane populacije, zaštita okoliša)? Ili ima neka druga unakrsno povezana pitanja/oblasti koje donose dodatnu vrijednost?	5	
3. Dizajn projekta	zbir	30
3.1 Koliko je koherentan cjelokupni dizajn projekta? Da li prijedlog navodi očekivane rezultate koji će biti ostvareni kroz projekat?	5x2*	
3.2 Da li dizajn odražava analizu problema i kapacitete relevantnih zainteresiranih strana?	5	
3.3 Da li dizajn uzima u razmatranje vanjske faktore (rizike i pretpostavke) i uključuje planove za prilagođavanje takvim rizicima koji se materijalizuju ili ako pretpostavke nisu ispunjene?	5	
3.4. Da li su aktivnosti izvodljive i dosljedne u odnosu na očekivane rezultate (uključujući vremenski okvir)? Da li su jasno predstavljene?	5	
3.5. Da li postoji snažna uključenost različitih lokalnih zainteresiranih strana?	5	
4. Budžet	zbir	15
4.1 Budžet je jasno predstavljen i u potpunosti odražava projektne aktivnosti	5	
4.2 Troškovi su realistični i neophodni za ostvarivanje očekivanih rezultata i ciljeva	5	
4.3. Ukupna isplativost	5	
UKUPNI ZBIR		80

*Dupli bodovi

Aplikacije sa zbirom za relevantnost manjim od 12 poena neće biti uzete u dalje razmatranje.